

少陽經下篇 十六章

昌邑黃元御坤載著

少陽壞病

少陽在半表裏之間故宜小柴胡半表裏治之而半表之陽盛則小柴胡之黃芩不足以清表陽而人參反益半表之熱服柴胡湯已渴者屬陽明是也半裏之陰盛則小柴胡之人參不足以溫裏陰而黃芩反益半裏之寒與柴胡湯後必下重是也小柴胡未嘗犯本經之禁而於陰陽偏盛者猶有助虛之弊况乎汗下溫鍼倒行逆施陽盛而泄其陰陰盛而伐其陽則人陰人陽壞病百出矣仲景於是有一救逆之法補且挽回使之離陽明之府而出太陰之藏所謂明輔造化幽贊鬼神者也

少陽壞病提綱 一少陽二十

太陽表證不解傳於少陽之經脇下硬滿乾嘔不食往來寒熱譫語是其府病而經鬱也若汗下溫鍼一經逆治陽盛則入陽明之府陰盛則入三陰之藏少陽之證已罷他經之證遂生病自少陽而壞是謂少陽之壞病其逆犯不同則病壞非一知其所犯治之以法法在則人存病雖壞而人不壞是貴乎良工也

本太陽病不解轉入少陽者脇下硬滿乾嘔不能食往來寒熱尚未吐下脈沈緊者與小柴胡若已吐下發汗溫鍼譫語柴胡證罷此為壞病知犯何逆以法治之

夫太陽表證不解傳入少陽者脇下硬滿乾嘔不能食往來寒熱此皆柴胡本證少陽之脈弦細沉緊若尚未吐下而脈候沉緊者又有柴胡本脈與小柴胡湯病自解矣若已經吐下發汗溫鍼譫語不明柴胡證罷非入陽明之府即入三陰之藏此為少陽壞病柴胡少陽之方不中與也審犯何逆以法治之

少陽壞病入陽明去路譫語煩悸證 一少陽二十四

傷寒脈弦細頭痛發熱者屬少陽少陽不可發汗發汗則譫語此屬胃胃和則愈胃不和則煩而悸

少陽為三陽之始陽氣未盛故脈弦細少陽經脈自頭走足病則經氣逆升壅於頭上故善頭痛少陽從相火化氣

病則相火鬱蒸故善發熱相火黃燥津液既損故不可發汗汗之津亡土燥則作譫語此屬胃病蓋君相下根全由胃土之降汗亡津液土燥胃逆二火飛騰神明擾亂故作譫語胃津續復行其清降之令二火漸下不至為病若胃燥而不和二火拔根則心家煩生而風木鬱衝必作悸動也法詳下章

小建中證二少陽二十五

傷寒二三日心中悸而煩者小建中湯主之方在少陽九

少陽甲木化氣於相火隨戊土下行而交癸水與少陽君火並根坎府是以神宇清盪不生煩亂汗泄中脫津亡土燥胃逆不能降熱相火相火蒸炎消燠心液故生煩擾膽胃兩經痞塞心脇阻隔厥陰升達之路風木鬱衝振搖不已是以動悸風火交侵傷耗胃脫津液小建中湯膠飴甘棗補脾精而生胃液薑桂芍藥疎甲木而清相火也

炙甘草證三少陽二十七

傷寒脈結代心動悸者炙甘草湯主之

少陽經脈自頭走足循胃口而下兩脇病則經氣上逆衝逼戊土胃氣鬱滿橫隔膽經燼道是以心脇痞硬經絡壅塞榮血不得暢流相火升炎漸而榮血消亡經絡梗澀是以經脈結代血亡木燥風木鬱衝而升路阻隔未能順達是以悸動相火上蟠辛金受刑甲木上鬱戊土被剋土金俱敗則病傳陽明而中氣傷矣炙甘草湯參甘大棗益胃氣而補脾精膠地麻仁滋經脈而澤枯槁薑桂行榮血之瘀澀麥冬清肺金之燥熱也

炙甘草湯七十二

甘草四兩人參二兩大棗十二枚生地黃一斤阿膠二兩麥冬半升麻仁半升桂枝三兩生薑三兩

八味取三升去滓內膠烱消盡溫服一升日三服一名復脈湯

煩滿驚悸證四少陽二十七

少陽中風兩耳無所聞目赤胸中滿而煩者不可吐下吐下則悸而驚

太陽中風而傳少陽是謂少陽中風少陽脈循兩耳病則經脈逆行濁氣上填是以耳聾少陽脈起目之銳眥相火升炎是以目赤少陽脈循胸膈而下兩脇經氣壅阻脾胃不降是以胸中煩滿如此者不可吐下吐下則悸而且驚

蓋耳聾目赤胸滿心煩膈胃兩經已自不降再以吐下傷其胃氣胃氣愈逆甲木拔根是以膽怯而神驚膈胃健鬱胸膈閉塞風本鬱衝升路壅塞是以悸作法詳下章

柴胡龍骨牡蠣證五少陽二十八

傷寒八九口下之胸滿煩驚小便不利譫語一身盡重不可轉側者柴胡龍骨牡蠣湯主之

下傷中氣胃逆而為胸滿膈木拔根而為煩驚心神擾亂而為譫語土木鬱遏疏泄不行則小便不利已土濕動機開壅滯則一身盡重不可轉側柴胡龍骨牡蠣湯大棗參苓補土而泄濕大黃柴胡桂枝泄火而疏木生薑半夏下衝而降濁龍骨牡蠣鉛丹斂魂而鎮逆也

柴胡加龍骨牡蠣湯七十二

柴胡四兩半夏二合人參一兩大棗六枚生薑一兩桂枝一兩茯苓一兩大黃二兩鉛丹一兩龍骨一兩牡蠣一兩右十

二味以水八升煮取四升內大黃切如棋子大更煮一二沸去滓溫服一升

小柴胡證六少陽二十九

凡柴胡湯病證而下之若柴胡證不罷者復與柴胡湯必蒸蒸而振却發熱汗出而解

柴胡證本不宜下而誤下之柴胡證罷此為壞病若其證不罷復與柴胡湯必蒸蒸而振慄却發熱汗出而解陽氣欲發為陰邪所束鬱勃鼓動故振慄戰搖頃之透發肌表則汗而解矣

大柴胡證七少陽三十

太陽病過經十餘日反二三下之後四五日柴胡證仍在者先與小柴胡湯嘔不止心下急鬱鬱微煩者為未解也大

柴胡之則愈方在少陽十三

下後柴胡證仍在若但有少陽經證而無陽明府證先與小柴胡湯應當解矣若嘔不止心下急鬱鬱微煩者是經迫而府鬱為未解也與大柴胡湯下之經府雙解則愈矣

大柴胡湯八少陽三十一

傷寒十三日不解胸脇滿而嘔日晡所發潮熱已而微利此本柴胡證下之而不利令反利者知醫以丸藥下之非其

治也潮熱者實也先宜小柴胡湯以解外後以柴胡加芒硝主之

十三日不解已過再經之期胸脇滿而嘔是少陽經證日晡時發潮熱是陽明府證府病則大便續硬乃已而微利定服丸藥矣少陽而兼陽明此本大柴胡證下之當府熱清而不利今反利者知醫以丸藥下之緩不及事而又遺其經證表裏俱未罷經邪束府熱日增故雖利不愈此非其治也潮熱者胃家之實也是固宜下而胸脇之滿尚有少陽證先宜小柴胡湯以解其外後宜柴胡加芒硝湯主之解外而並清其裏也但加芒硝而不用大黃者以丸藥下後宿物去而府熱未清也

柴胡加芒硝湯七十三

柴胡半斤黃芩二兩半夏半斤生薑三兩人參三兩甘草三兩大棗十二枚芒硝六兩於小柴胡湯內加芒硝六兩餘依前法不解服

少陽壞病入太陰去路柴胡桂枝乾薑證一少陽三十二

傷寒五六日已發汗而復下之胸脇滿微結小便不利渴而不嘔但頭汗出往來寒熱心煩者此為未解也柴胡桂枝乾薑湯主之

傷寒五六日已發汗而復下之傷其中氣膽胃俱逆胸脇滿結脾濕肝遏小便不利膽火刑肺是以渴生胃逆未甚不至作嘔相火逆升故頭上汗出榮衛交爭故往來寒熱君相升泄是以心煩此為少陽之經而傳太陰之藏表裏俱未解也柴胡桂枝乾薑湯柴胡黃芩疏甲木而清相火桂枝枳實達乙木而清燥金乾薑甘草溫中而培土牡蠣除滿而消結也

柴胡桂枝乾薑湯七十四

柴胡半斤黃芩二兩甘草二兩乾薑二兩桂枝三兩牡蠣二兩枳實二兩右七味以水一斗二升煮取六升去滓再煎取三升溫服

一升日三服初服微煩復汗出便愈

誤下身黃證二少陽三十三

得病六七日脉遲浮弱惡風寒手足溫醫二三下之不能食而脇下滿痛面目及身黃頭項強小便難者與柴胡湯後必下重本渴而飲水嘔者柴胡湯不中與也食穀者瘥

得病六七日脉遲浮弱而惡風寒是太陽中風脉證手足溫是少陽證而亦陽明太陰中氣之未敗也醫乃二三下之傷其中氣膽胃俱逆故不能食而脇下滿痛濁氣衝塞頭項亦強脾濕肝遏遍身發黃而小便難者與柴胡湯黃芩寒中肝脾鬱陷後必下重本來作渴而飲水則嘔者此土濕中寒柴胡不中與也不能容水亦當不能納食飲水既嘔食穀亦噦也

少陽壞病結胸痞證

病在少陽或入陽明之府或入太陰之藏將入陽明而經證未罷下早則為結胸將入太陰誤下則為痞與太陽之結胸痞證由來正同也

少陽壞病結胸初證一少陽三十四

太陽與少陽併病頭項強痛或眩暈時如結胸心下痞硬者當刺大椎第一間肺俞肝俞慎不可發汗發汗則譫語脉弦五六日譫語不止當刺期門

太陽傳少陽兩經並病太陽則頭項強痛少陽則或覺眩暈時如結胸心下痞硬者此已是結胸初證當刺大椎第一間之肺俞肝俞刺肺俞以泄太陰之鬱刺肝俞以泄少陽之鬱緣肺與太陽同主衛氣而司皮毛肝與少陽同藏榮血而司筋膜也慎不可發汗以傷少陽津血發汗則土燥而為譫語木枯而為脉弦蓋其胸膈痞硬已是膽胃俱逆再發其汗火烈土焦遂入陽明而為譫語膽胃愈逆則時如結胸者當不止如是而已若五六日譫語不止則膽胃之津益耗當刺厥陰之期門以泄少陽而救陽明也

結胸初證二少陽三十五

太陽少陽並病心下硬頸項強而眩者當刺大椎肺俞肝俞慎勿下之

頸項強太陽之證而少陽自頭下耳循頸而入缺盆亦當有之心硬目眩則純是少陽證大椎脊骨第一大節正當項後肺俞在第三椎兩旁肝俞在第九椎兩旁皆是太陽之經穴靈樞背俞篇作膈經氣之所輸泄也義與輸同汗之藏陰外亡則為譫語上章是也下之表陽內陷則成結胸下章是也

結胸證三少陽三十六

太陽少陽並病而反下之成結胸心下硬下利不止水漿不下其人煩

太少並病不解經邪而反下之因成結胸心下硬者下而下利不止上而水漿不入清陷濁逆相火鬱升其人心煩也

結胸證四 少陽三十七

傷寒十餘日熱結在裏復往來寒熱者與大柴胡湯但結胸無大熱者此謂水結在胸脇也但頭微汗出者大陷胸湯主之方在太陽百十一

傷寒十餘日熱結在陽明之裏復往來寒熱大鬱於少陽之表者與大柴胡湯雙解表裏之邪若但是結胸而裏無大熱者此為陰陽逼蒸而生水飲結在胸脇之間也但頭上微汗出者緣於膈熱薰蒸宜大陷胸湯泄其胸脇之結水也太陽陽明結胸必兼少陽之邪緣胆胃兩經鬱迫不降而胸脇硬滿是為結胸之根下之太早裏陰上逆表陽內陷則成結胸而少陽脈循脇肋故有脇下硬滿之證也

結胸痞證五 少陽三十八

傷寒五六日嘔而發熱者柴胡湯證具而以其藥下之柴胡證仍在者復與柴胡湯此雖已下之不為逆必蒸蒸而振却發熱汗出而解若心下滿而硬痛者此為結胸也大陷胸湯主之方在太陽百十一 但滿而不痛者此為痞柴胡湯不中與也宜半夏瀉心湯

嘔而發熱柴胡證具不解經邪而以其藥下之柴胡證仍在是表陽未陷邪猶在經宜復與柴胡湯以解經邪此雖已下之不至為逆必蒸蒸而振慄却發熱汗出而解若下後經證已罷心下滿而硬痛者此表陽內陷熱入而為結胸也宜大陷胸湯但滿而不痛者此裏陰上逆而為痞也柴胡湯不中與也宜半夏瀉心湯參甘薑棗溫補中脘之虛寒黃芩黃連清泄上焦之鬱熱半夏降濁陰而消痞滿也方以半夏名因原有嘔證下後氣愈逆而嘔愈增也

半夏瀉心湯七十五

半夏洗半斤 人參 大棗 枳 乾薑 三 甘草 三 兩 黃芩 三 兩 黃連 兩 右七味以水十升煮取六升去滓再煎取三升溫服一升日三服

傷寒懸解卷下

太陰全篇

太陰藏病

太陰以濕土主令故太陰脾藏不病則已病則是濕土之所以起水者以其燥也濕則反被水侮少陰寒水之氣傳之於土是以其藏有寒濕者太陰之主氣寒者少陰之客氣也而太陰之病寒濕者總因陽明之虛脾為濕土胃為燥土陽明之陽盛則濕為燥奪而化熱太陰之陰盛則燥為濕奪而生寒而陰陽虛實之權在乎中氣中氣旺則脾家實太陰從化於陽明中氣衰則胃氣逆陽明從化於太陰陽明下篇諸證皆陽明入太陰之病也未入太陰陰氣外侵猶俟漸奪故太陰之病象頗多半寓於陽明之內已入太陰陰邪內傳勢不久駐故太陰之病條甚少全見於少厥之中蓋脾陽虧虛則水侮而木賊少厥之陰邪勃起而內應於是未去太陰已傳少厥自此少厥告急而太陰之病俱附於少厥之篇矣大凡少厥之死病皆由脾陽之頹敗少厥之生證悉因脾陽之來復太陰一藏是存亡生死之關仲景四逆之垂法大黃芍藥之示戒不可不詳思而熟味也

太陰經提綱一太陰一

太陰濕土氣本上行素問脾氣散精上歸於肺是藏氣之上行也足之三陰自足走胸是經氣之上行也病則濕盛氣滯陷而不升脾陷則胃逆而不降矣蓋燥為陽而濕為陰陽本於天而親上陰本乎地而親下故陽明燥土病則氣逆太陰濕土病則氣陷自然之性也太陰提綱腹滿而吐食不下者太陰之累及陽明而氣逆也自利益甚時腹痛者太陰之傷於厥陰而氣陷也脾陷而不升胃逆而不降病見於上下而根在乎中宮以中宮樞軸之不運也若下之樞軸敗折陷者益陷而逆者益逆逆之至則胸下結硬而不止於腹滿陷之極不過於自利之益甚無以加矣故但言其逆而不言其陷非省文也無庸言也

太陰之為病腹而吐食不下自利益甚時腹自痛若下之必胸下結硬

太陰脾之經也脾主升清胃主降濁清升濁降腹中沖和是以不滿脾病則清陽不升脾病累胃胃病則濁陰不降中氣凝滯故腹滿也吐者胃氣之上逆逆而不納故食不下也利者脾氣之下陷清陽不升寒坐於下水穀不消故

自利益甚也濕寒鬱塞木氣不舒侵剋脾土故時腹自痛也若下之土愈敗而胃愈逆甲木壅礙不得下行痞鬱胃
口故胸下結硬即病發於陰而反下因作痞也 程氏曰太陰濕土其藏有寒則病自是寒豈有傳經為熱之理
使陽入陰能化陰為陽則火入水亦能變水為火必無之事也吐利痛滿純是陰邪用事下之陰邪入於陽位究與
結胸之邪高下稍異彼因陽從上陷而阻留此緣陰從下逆而不歸其熱大別 三陰篇皆言藏病非經病也經病
而不入於藏傷寒不過六日中風不過七日無不汗解之理三陰經病總統於太陽一經四日太陰未可曰太陰之
為病亦不必痛滿吐利藏寒而用四逆五日少陰未可曰少陰之為病亦不必厥冷吐利水盛而用真武六日厥陰
未可曰厥陰之為病亦不必虺厥吐利風動而用烏梅不拘其何經其在六日之內者悉宜麻桂發表無異法也至
於自經而入藏然後太陰有痛滿吐利之證而用四逆少陰有厥冷吐利之證而用真武厥陰有虺厥吐利之證而
用烏梅以其一藏之為病如此用藥不得不如此也而桂枝麻黃之法不可用矣昔人傳經為熱直中為寒之說固
屬庸妄之胡談程氏乃以藏病為經病且謂傷寒不傳經亦悖謬不通義詳少陽傳經中

太陰經病桂枝證一太陰二

太陰病脉浮者可發汗宜桂枝 方在太陽五
此太陰經病

太陰病已傳脾藏宜見腹滿吐利腹滿不食諸證若不見諸證而脉浮者是藏病未成而但見經病也宜桂枝發汗

太陰藏病四逆證二太陰三

病發熱頭痛脉反沈不差身體疼痛當溫其裏宜四逆湯

發熱頭痛是太陽表證脉應見浮乃脉反沈是已入太陰之藏若脉遲不差雖身體疼痛表證未解然當先溫其裏

宜四逆湯甘草培其土乾薑溫其中附子溫其下也

四逆湯七十六

甘草二兩 乾薑兩附子一枚生去皮 右三味咬咀以水三升煮取一升二合去滓溫再服強人可大附子一枚乾薑

三兩

下利清穀證三太陰四

下利清穀不可攻表汗出必脹滿

脉沈已當溫裏不可發表若見下利清穀之證則藏病益顯不可攻表汗出亡陽必生脹滿

四逆桂枝證四 太陰五

下利腹脹滿身體疼痛者先溫其裏乃攻其表溫裏宜四逆湯取表宜桂枝湯方在太陽五

下利而腹又脹滿是太陰藏病腹滿自利之證俱見矣而其身體疼痛者又有太陰經病是當先溫其裏乃攻其表

溫裏宜四逆湯以驅寒攻表宜桂枝湯以驅風裏溫則發汗不慮其亡陽矣此與太陽傷寒醫下之續得下利清穀

章法同

四逆證五 太陽六

自利不渴者屬太陰以其藏有寒故也當溫之宜服四逆輩

三陽之利津亡裏燥多見渴證自利而不渴者此屬太陰以其藏有寒故也是當溫之宜四逆輩也

黃連證六 太陽七

傷寒胸中有熱胃中有邪氣腹中痛欲嘔吐者黃連湯主之

傷寒胸中有熱而胃中有肝膽之邪氣肝邪克脾腹中疼痛膽邪克胃欲作嘔吐者是土氣濕寒而木氣鬱遏也黃

連湯黃連半夏清上熱而止嘔吐參甘草薑棗溫中寒而止疼痛桂枝疏木而通經也

黃連湯七 十七

黃連三升半夏半升人參二兩甘草二兩大棗十二枚乾薑兩桂枝三兩右七味以水十升煮取六升去滓溫服一升日三服

一日夜二服

桂枝芍藥證七 太陰八

本太陽病醫反下之因而腹滿時痛者屬太陰也桂枝芍藥湯主之

本太陽表證醫不解表而反下之脾敗肝鬱因而腹滿時痛者此屬太陰也桂枝加芍藥湯桂枝解太陽之表邪芍

藥清乙木之風燥也

桂枝芍藥湯七十八

桂枝三甘草二大棗十二生薑兩芍藥六
於桂枝湯方更加芍藥三兩隨前六兩餘依桂枝湯法

桂枝大黃證八太陰九

大實痛者桂枝加大黃湯主之

滿痛而加大黃非瀉不可桂枝加大黃湯倍芍藥以清木燥加大黃以泄土鬱

桂枝加大黃湯七十九

桂枝三甘草二兩大棗十二生薑兩芍藥六
右六味以水七升煮取二升去滓溫服一升日三服

芍藥九黃證九太陰十

太陰為病脈弱其人續自便利設當行大黃芍藥者宜減之以其胃氣弱易動故也

太陰為病其脈軟弱其人當續自便利設腹滿時痛以至大實當行大黃芍藥者宜稍減之以其人太陰既病胃氣

必弱易於傷動故也

暴煩下利證十太陰十一

傷寒脈浮而緩手足自溫者繫在太陰太陰身當發黃若小便自利者不能發黃至七八日雖暴煩下利日十餘行必

自止以脾家實腐穢當去故也

傷寒浮緩之脈而見手足自溫浮為太陽緩為陽明太陰脾胃同主四肢中焦陽旺四肢自溫其為陽明太陰無以

辨也且以繫在太陰太陰濕土表病濕鬱身當發黃若小便自利者濕氣下泄又不能發黃何以別之必驗之大便

陽明則大便自硬太陰則大便自利俟至續自便利則繫在太陰確矣然手足自溫而小便利則脾家未衰至七八日

雖暴煩下利日十餘行必當自止以此之自利乃脾家之實腐穢當去之故非益甚之自利也此與陽明至七八日

大便硬章彼自互文提下發黃諸章之綱

茵陳蒿證十一太陰十二

傷寒七八日身黃如橘子色小便不利腹微滿者茵陳蒿湯主之

傷寒七八日表寒鬱其裏濕而生內熱濕熱瘀蒸身上發黃如橘子色小便不利腹微滿者以土濕木鬱疏泄不行則小便不利木鬱克土脾氣脹塞則腹裏微急脾被肝刑土色外見則皮膚黃薑綠米主五色入土化黃故也茵陳蒿湯茵陳利水而除濕梔子大黃泄熱而蕩瘀也

茵陳蒿湯八十

茵陳蒿兩梔子十四枚大黃三兩右三味以水一斗先煮茵陳減六升內二味煮取三升去滓分溫三服小便當利尿如皂角汁狀色正赤一宿腹減黃從小便去也

麻黃連翹赤小豆證十二太陰十三

傷寒發熱在裏身必發黃麻黃連翹赤小豆湯主之

傷寒表病濕瘀而生裏熱不得汗尿疏泄身必發黃麻黃連翹赤小豆湯麻黃泄皮毛之鬱杏仁降肺氣之逆生梓白皮清相火而疏木連翹小豆泄濕熱而利水薑甘大棗和中氣而補脾經也以濕旺腹滿臍胃逆并相火鬱逼濕化為熱外無出路是以發黃發汗利水使濕氣滲泄則黃消矣

麻黃連翹赤小豆湯八十一

麻黃兩杏仁四十枚生薑兩生梓白皮升連翹兩甘草二兩大棗十二枚赤小豆升以上八味以潦水一斗先煮麻黃

再沸去上沫內諸藥煮取三升分溫三服半日盡服

梔子蘗皮證十三太陰十四

傷寒身黃發熱者梔子蘗皮湯主之

瘀熱在裏則身熱而腹滿瘀熱在表則身黃而發熱梔子蘗皮湯甘草培土而保中氣梔子蘗皮泄濕而清表熱也

梔子蘗皮湯八十二

梔子十五枚甘草一兩黃蘗皮兩右三味以水四升煮取一升去滓分溫再服

寒濕發黃證十四太陰十五

傷寒發汗已身目黃所以然者以寒濕在裏不解故也以為不可下也當於寒濕中求之

黃緣濕熱裏於若發汗以後身目為黃則是濕寒而非濕熱以汗後熱泄而寒生陽消而濕長也寒濕不可下當於寒濕中求之用溫寒去濕之法也

中風欲愈十五 太陰十六

太陰中風四肢煩疼陽微陰澁而長者為欲愈

太陽中風而傳太陰是謂太陰中風脾主四肢脾病不能行氣於四肢氣血壅塞故四肢煩疼寸微則陽不上格尺澀則陰不下盛脾陽續復脈漸舒長是為欲愈也

太陰解期

太陰病欲解時從亥至丑上

亥子丑太陰得令之時故解於此

傷寒懸解卷十一

少陰經全篇四十六章

少陰藏病

少陰以癸水而化氣於君火無病之時丁火下降而交水癸水上升而交火水火互根陰陽交濟二氣合為一氣故火不上熱而水不下寒及其一病丁火上炎而為熱癸水下潤而為寒遂成冰炭矣少陰病但見其下寒而不現其上熱者以水能勝火而火不勝水病則水勝而火負一定之理也水之所以不勝火者全賴乎土水雖有勝火之權而中州之土防其陰邪則寒水不至泛濫而君火不至漸亡蓋土旺則水邪不作少陰不病也中氣一敗隄防崩潰寒水無制侵凌君火上之則飛灰不燃下之則堅冰不解雖有四逆真武之法第恐陽神已去陰魄徒存挽之末路桑榆難追故少陰之死證總因土氣之敗也其惡寒踈卧者少陰之本病其厥逆吐利者水土之合病以水邪侮土脾胃虛寒不能溫養四肢則手足逆冷胃寒而氣逆則吐脾寒而氣陷則利脾胃之寒腎氣之所移也仲景於少陰之病而曰少陰負跌陽者為順也少陰之氣妙具此一語無餘蘊矣

少陰提綱一少陰一

少陰雖從君火化氣病則還其本原寒水司權有陰無陽寒主蟄藏藏氣當令而無微陽以鼓之是以脉微細而善寐陽明之病脉實大而不得卧者少陰之負跌陽也少陰之病脉微細而但欲寐者跌陽之負少陰也蓋土旺則不眠水旺則善寐自然之性如此少陰提綱揭此一語而少陰之性情體狀傳真如畫則扶跌陽而泄少陰自是為第一要義於此而稍事滋潤將使之千古長寐矣少陰醒夢之關不可不急講也

少陰之為病脉微細但欲寐也

少陰腎之經也陰盛於水獨陰無陽故脉微細陽動而陰靜靜則善眠故但欲寐 脉法浮為在表沈為在裏數為在府遲為在藏少陰之脉微細必兼沈也

少陰藏病連經麻附細辛證一少陰二

少陰病始得之反發熱脉沈者麻黃附子細辛湯主之

少陰水藏其脉自沈乃始得病時反發熱而脉沈者是已傳腎藏而猶帶表寒內有少陰則宜溫裏外有太陽則宜發表麻黃附子細辛湯麻黃散太陽之外寒附子溫少陰之內寒細辛降陰邪之衝逆也溫裏以發表少陰之汗法如此此與太陽病發熱頭痛脉反沈章同

麻黃附子細辛湯八十三

麻黃兩附子一枚炮去皮細辛兩右三味以水一斗先煮麻黃減二升去上沫內諸藥煮取三升去滓溫服一升日

三服

麻黃甘草證二少陰三

少陰病得之二三日麻黃附子甘草湯微發汗以二三日無裏證故微發汗也

少陰病得之二三日麻黃附子甘草湯微發其汗麻黃發太陽之表附子甘草溫發水而培已土少陰甚汗此微發汗者以二三日內尚無少陰之裏證故微發汗也此推原上章之義無裏證何以知為少陰是必脉已見沈沈為在裏何以宜汗是必發熱也

麻黃附子甘草湯八十四

麻黃二附子 一枚泡去皮 甘草二兩

右三味以水七升先煮麻黃一兩沸去上沫內諸藥煮取三升去滓溫服一升

日三服

少陰藏病忘汗證三少陰四

少陰病脉細沈數病為在裏不可發汗

少陰病發熱脉沈猶可微汗若身無發熱而沈兼細數此為病已在裏不可發汗蓋火旺土燥寒水不能獨盛水盛而寒作者由土土俱敗也再汗之以泄陰中絲微陽根則純陰而無陽大事壞矣故不可汗 少陰藏病連經者二章麻黃附子二方是也自此章之下悉是藏病並無一字言經病者藏寒水動乃可曰少陰病若五日經傳少陰未入腎藏少陰諸裏證絲髮未形而其時三陽太陰經證俱在何得曰少陰病乎曰少陰病者少陰盛極獨自為病也 陽明三陰俱同

四逆證四少陰五

少陰病脉沈者急溫之宜四逆湯方在大陽三

陽消陰長則人衰陽虛陰旺則人病陽絕陰孤則人死陽盛於火陰盛於水水性浮而水性沈少陰水藏病見沈脉則經陽卸事藏陰司權死機攸伏法當急溫宜用四逆遵則水動寒作死證蜂生溫之無及矣腎水有泄而無補凡人之死死於水寒之盛也仲景傷寒少陰但有泄水補火之法而無泄火補水之方其餘六經以及金匱雜證泄火則有之補水則未有後世庸愚妄謬乃有泄火補水之法俗于腐生羣而致之著作紛紜以為天下萬世禍今日遂成海內惡風江河日下不可挽也

附子證五少陰六

少陰病身體疼手足寒骨節痛脉沈者附子湯主之

少陰水旺陰凝氣滯故骨節疼痛土敗水侮四肢失溫故手足寒冷水寒木陷生氣欲絕故脉沈細附子湯附子溫癸水之寒與藥清乙木之風參朮茯苓培土而泄水也

附子湯八十五

附子一枚去茯苓三人參白朮四芍藥右五味以水八升煮取三升去滓溫服一升日三服

附子證六少陰七

少陰病得之一二日口中和其背惡寒者當灸之附子湯主之

一二日中背惡寒者督脈之陽衰太陽寒水之旺當灸之以溫外寒附子湯以溫內寒也後章口燥咽乾者急下之此曰口中和則純是濕寒而非燥熱也互觀自明

效利譫語證七少陰八

少陰病效而下利譫語者被火氣劫故也小便必難以強責少陰汗也

少陰寒水之藏下利則有之不應譫語效而下利譫語者此被火氣逼劫發汗耗其心液陽隨汗泄神明惑亂故也其小便必難以少陰陽弱不宜發汗火逼劫而強責之泄其血中溫氣濕旺木鬱不能疏泄也

發汗動血證八少陰九

少陰病但厥無汗而強發之必動其血未知從何道出或從口鼻或從目出是名下厥上竭為難治

汗生於血而釀於氣譬之釜水騰沸氣蒸為露也少陰病氣虛血寒但有厥逆而無汗而強發之必動其血血之所

以不上溢者氣斂之也氣根於水強發其汗泄其陽根衛虛不斂榮血失統上走七竅未知從何道而出或從口鼻或從目出是名下厥上竭最為難治以陰盛於下陽盛於上下之陰盛故見厥遂上之陽盛故見血脫血中溫氣絕根外亡則陽竭矣

發汗亡陽證九少陰十

少陰病脈微不可發汗亡陽故也陽已虛尺脈弱澀者復不可下之

陽虛故脈微脈微發汗則陽根亦亡是以不可發汗陽氣已虛而尺脈弱澀者則血中之溫氣非旺復不可下之也

咽痛吐利證十少陰十一

病人脈陰陽俱緊反汗出者亡陽也此屬少陰法當咽痛而後吐利

陰陽俱緊尺寸也傷寒之脈不應有汗反汗出者陽亡於外也則此之脈緊乃裏陰之內盛非表寒之外束矣此屬

少陰法當咽痛而復吐利水旺火盛則咽痛水旺上濕則吐利也此提少陰咽痛吐利之綱下分應之

甘草桔梗證十一少陰十二

少陰病二三日咽痛者可與甘草湯不差與桔梗湯

二三日初覺咽痛者可與甘草湯以少陰水旺君相皆騰二火逆衝是以咽痛甘草泄熱而緩急迫也不差者與桔梗湯甘草泄熱而緩急迫桔梗降逆而開結滯也

甘草湯八十六

甘草兩 以水三升煮取一升半去滓溫服七合日三服

桔梗湯八十七

桔梗兩 甘草兩 以水三升煮取一升去滓分溫再服

半夏散證十二少陰十三

少陰病咽中痛半夏散及湯主之

濁陰上逆衝擊咽喉因而作痛半夏桂枝降其衝氣甘草緩其急迫也

半夏散八十八

半夏 洗 桂枝 炙 甘草 炙 以上等分 右三味各別搗篩已合治之白飲和服方寸七日三服若不能服散者以水一升煮

七沸內散兩方寸七更煎三沸下火令小冷少少嚥之

苦酒湯證十三少陰十四

少陰病咽中傷生瘡不能語言聲不出者苦酒湯主之

寒水下旺火盛咽傷故生瘡不能語言是火刑故聲不出苦酒湯苦酒散結而消腫半夏降逆而驅濁雞子白清

肺而發聲也

苦酒湯八十九

半夏十四 雞子一枚去黃內苦酒著雞子殼中 右二味內半夏著苦酒中以雞子殼置刀鏤中安火上令三沸去滓少少含嚥之不